

БАТЛАВ

БАЯНДЭЛГЭР СУМЫН ЗАСАГ
ДАРГА

..... / М. ГАНТУЛГА /

СҮХБААТАР АЙМГИЙН БАЙГАЛЬ
ОРЧНЫ ГАЗРЫН ДАРГА

..... / Х. ТӨМӨРХУЯГ /

МОНГОЛЫН АНЧДЫН НИЙГЭМЛЭГИЙН
ТЭРГҮҮН

..... / Р. АДЪЯА /

СҮХБААТАР АЙМГИЙН БАЯНДЭЛГЭР СУМЫН “БҮЙЛСТ-НҮДЭН” АГНУУРЫН БҮС НУТГИЙН ХАМГААЛЛЫН МЕНЕЖМЕНТИЙГ ХАРИУЦАХ ГЭРЭЭ

№

НЭГ. ЕРӨНХИЙ ҮНДЭСЛЭЛ

Аргаль хонины байршил нутаг “Бүйлст-Нүдэн” агнуурын бүс нутгийн менежмент нь аймгийн БОГ, Баяндэлгэр сумын ЗДТГ -ын ан агнуурын талаар баримталж буй бодлогыг хэрэгжүүлэхэд нутгийн иргэдийг тогтмол, идэвхтэй оролцуулах, хамтын ажиллагааг бүх шатанд хөгжүүлэх мөрийн хөтөлбөр юм.

Баяндэлгэр сумын ИТХТ-ийн 2014 оны ...дугаар Тогтоолоор тус бүс нутгийн зураглал, хилийн цэс батлагдсан байна.

Менежментийн төлөвлөгөө нь агнуурын санг тогтвортой хамгаалах, өсгөн үржүүлэх, зүй зохистой ашиглалтыг зохицуулах удирдлага, зохион байгуулалтын төлөвлөгөө юм.

Энэ төлөвлөгөө нь орон нутгийн төр, захиргааны байгууллага, менежментийн төлөвлөгөөг хариуцан хэрэгжүүлэгч аж ахуйн нэгж, ТББ, нөхөрлөлийн төлөөлөл зэрэг талуудын оролцоог хангаснаараа онцлог юм.

ХОЁР. ГЭРЭЭНИЙ ЗОРИЛГО

Энэхүү гэрээний зорилго нь “Бүйлст-Нүдэн” агнуурын бүс нутгийн агнуурын менежментийн төлөвлөгөөг хэрэгжүүлэн ан амьтны санг хариуцан хамгаалах, түүнийг зүй зохистой ашиглах, нөхөн сэргээхэд Төрийн захиргааны байгууллага, нутгийн иргэдийн нөхөрлөл, байгаль хамгаалах мэргэжлийн

байгууллага зэрэг оролцогч талуудын үйл ажиллагааны харилцааг зохицуулахад чиглэгдэнэ.

ГУРАВ. ГЭРЭЭ БАЙГУУЛАГЧ ТАЛУУД

Сүхбаатар аймгийн Баяндэлгэр сумын Иргэдийн Төлөөлөгчдийн Хурлын 2014 оны ... дугаар сарын ...-ны өдрийн тоот тогтоолыг үндэслэн Байгаль орчны мэргэжлийн байгууллага “Монголын Анчдын Нийгэмлэг” ТББ тус сумын Нарангийн овоо, Хар овоо, Бударгана, Улаан хад, Бүйлэстэй, Бүйлст нуруу, Нүдэн зэрэг газрыг хамарсан цаашид “Бүйлст-Нүдэн” агнуурын бүс нутаг гэж нэрлэгдэх бүс нутгийн менежментийг хариуцан 2014 оны ... дугаар сарын ... ны өдрөөс 2017 оны 12 дугаар сарын 1-ны өдрийг хүртэл 4 жил (дөрвөн) ажиллахаар энэхүү гэрээг нэг талаас

- Сүхбаатар аймгийн БО Газар,
- Баяндэлгэр сумын Засаг Даргын Тамгын Газар,
- “Монголын Анчдын Нийгэмлэг” ТББ
- Сүхбаатар аймгийн Баяндэлгэр сумын ан амьтан хамгаалах “Мөнгөн болор Шагай” ХХК харилцан тохиролцож энэхүү гэрээг байгуулав

ДӨРӨВ. ТАЛУУДЫН ХҮЛЭЭХ ҮҮРЭГ

Нэг. Сүхбаатар Аймгийн БО Газрын хүлээх үүрэг хариуцлага

- 1.1 Гэрээний хэрэгжилтэнд хяналт тавьж, удирдлага, зохион байгуулалтын туслалцаа үзүүлэх,
- 1.2 Агнуурын бүс нутагт үйл ажиллагаа эрхэлж байгаа байгаль хамгаалах нөхөрлөлийн гишүүдэд идэвхитэн байгаль хамгаалагчийн эрх, үнэмлэх олгуулах ажлыг шийдвэрлүүлэх,
- 1.3 Агнуурын бүс нутагт мэргэжлийн байгууллагаас жил бүр хийх судалгаанд үндэслэн дараа онд тусгай зөвшөөрлөөр агнах амьтны тоо хэмжээний саналыг “Ховор амьтан агнах, барих тусгай зөвшөөрөл олгох журам”-ын 4.1-д заасны дагуу төрийн захиргааны төв байгууллагад жил бүрийн 8 дугаар сарын 20-ны дотор хүргүүлэх,

Хоёр. Баяндэлгэр сумын Засаг даргын Тамгын газрын хүлээх үүрэг, хариуцлага

- 2.1 Агнуурын бүс нутгийн ан амьтны нөөцийг хамгаалах, өсгөн үржүүлэх, зохистой ашиглах менежментийн төлөвлөгөөг хэрэгжүүлэхэд бүх талын дэмжлэг үзүүлэх,

2.2 Сумын нутаг дэвсгэр дэх ангийн нөөц бүхий нутаг дэвсгэрт нутгийн иргэдийн оролцоотой байгаль хамгаалах нөхөрлөл байгуулах ажлыг удирдлага, зохион байгуулалтаар хангаж ажиллах,

2.3 Байгалийн нөөц ашигласны төлбөрийн тухай хуулийн 18.1-д заасны дагуу тусгай зориулалтаар агнаж, барьсан ан амьтны төлбөрийн орлогын 50 хувийг зөвхөн тухайн агнуурын бүс нутгийн ан агнуурын менежментийн төлөвлөгөөг хэрэгжүүлэхэд зарцуулах,

2.4 Агнуурын бүс нутгийн менежментийг хариуцагчийн ажлын гүйцэтгэлд хяналт тавьж ажиллахын зэрэгцээ төлөвлөгөөний биелэлтийн тайланг жил бүр хэлэлцүүлж тодорхой удирдамж, чиглэлээр хангаж ажиллах,

Гурав. “Бүйлст-Нүдэн” агнуурын бүс нутгийн менежментийг хариуцагч “Монголын Анчдын Нийгэмлэг” ТББ, “Мөнгөн болор Шагай” ХХК хүлээх үүрэг хариуцлага

3.1 “Бүйлст-Нүдэн” агнуурын бүс нутагт мониторингийн тогтвортой судалгааг нэвтрүүлж ан амьтны тоо толгой, улиралын байршил, амьдрах орчны үнэлгээ хийсний үндсэн дээр менежментийн төлөвлөгөөг шинэчлэн шаардагдах биотехникийн арга хэмжээг хэрэгжүүлэн хамгааллыг бүрэн хариуцах,

3.2 Орон нутгийн иргэдийн ан амьтан хамгаалах нөхөрлөлийг удирдлага, санхүүгийн хувьд бэхжүүлэх, сургалт хийх, үйл ажиллагаа, гишүүдийн амьжиргааг сайжруулах бүх талын дэмжлэг үзүүлэн нягт хамтран ажиллах,

3.3 “Бүйлст-Нүдэн” агнуурын бүс нутагт ан амьтан нутагшуулсан, тэдний идэш тэжээл, усан хангамжийг сайжруулах зорилгоор биотехникийн байгууламж барьсан тохиолдолд нөхөрлөлийн дундын өмчлөлд шилжүүлж байх,

3.4 Байгалийн нөөц, түүний өөрчлөлтийн тухай мэдээллийг сумын Засаг дарга, бусад байгууллага, албан тушаалтанд үнэн зөвөөр гарган өгч байх,

3.5 Байгалийн баялгыг түймэр, хөнөөлт шавьж, өвчнөөс сэргийлэх, тэдгээртэй тэмцэх, хор уршгийг арилгах арга хэмжээг холбогдох мэргэжлийн байгууллагатай авч хамтран хэрэгжүүлэх,

3.7 Агнуурын бүс нутагт тусгай зориулалтын ан хийхтэй холбогдсон бүх зардал, зохион байгуулалтын ажлыг нөхөрлөлийн гишүүдтэй хамтран гүйцэтгэж тайланг аймаг, сумын байгаль орчны асуудал хариуцсан байгууллагад жил бүрийн 11 дүгээр сарын 15-наас өмнө хүргүүлсэн байх,

3.8 Мал, зэрлэг амьтны бэлчээрийн давхцалыг бууруулах зорилгоор бэлчээрийн менежментийг хэрэгжүүлэхэд малчидтай хамтран ажиллах,

3.11 Гэрээний хугацааг сунгах хүсэлтээ гэрээний хугацаа дуусахаас 3 сарын өмнө сумын Засаг даргад гаргана.

Тав. Санхүүжилт

5.1 Биотехникийн арга хэмжээний зардлыг оролцогч талууд харилцан тохиролцож санхүүжүүлнэ.

5.2 Агнуурын бүс нутгийн менежментийг хариуцагч нь “Амьтны тухай” хуулийн 23.4.2 заасны дагуу агнуурын бүс нутагт хийлгэх нарийвчилсан агнуур зохион байгуулалтын ажлын зардлыг өөрийн хөрөнгөөр хийж гүйцэтгэнэ.

Зургаа. Маргааныг шийдэх, хариуцлагын тогтолцоо

6.1 Гэрээ байгуулсан талуудын хооронд маргаан үүсвэл аль болохоор харилцан тохиролцохыг эрмэлзэн ажиллах бөгөөд талууд харилцан тохиролцоонд хүрээгүй тохиолдолд аль нэг тал шүүхийн байгууллагад хандаж болно.

6.2 Гэрээнд заасан үүргээ зөрчиж, байгаль орчинд хохирол учруулсныг холбогдох байгууллагаас тогтоосон тохиолдолд Засаг дарга гарсан хохирлыг оролцогч талуудын хөрөнгөөр бүрэн арилгуулах, хамтын ажиллагааны гэрээг хүчингүй болгох хүртэл арга хэмжээг хууль тогтоомжийн дагуу авна.

Энэхүү гэрээг оролцогч талууд 2014 оны -р сарын - ны өдөр гарын үсэг зурж баталгаажуулж, 5 хувь үйлдэв.

Гэрээнд нэмэлт өөрчлөлт оруулж болох бөгөөд 2017 оны 12-р дугаар сарын 31 хүртэл хүчинтэй.


БОГ-ын МЭРГЭЖИЛТЭН



Л. БАЛДАНДОРЖ

БАЯНДЭЛГЭР СУМЫН БАЙГАЛЬ ОРЧНЫ


ХЯНАЛТЫН УЛСЫН БАЙЦААГЧ



А. ДАМЖИНЖАВ

МОНГОЛЫН АНЧДЫН НИЙГЭМЛЭГИЙН

АГНУУР ЗҮЙЧ



Н. ЦЭРЭНГОЧОО

“МӨНГӨН БОЛОР ШАГАЙ”

ХХК-ний ЗАХИРАЛ



Б. АЗЗАЯА